

coustume dans leurs chanfons de faire mention de ces songes fauorables, comme pour en haster l'effet, & afin que leurs camarades les en congratulent par auance, & les en estiment dauantage: ainsi qu'en France on congratuleroit à vn Capitaine allant à la guerre, si on croyoit qu'il allaist à vne victoire affeurée.

Mais apres tout, leurs songes ne font rien que menfonges, & s'il s'en trouue quelqu'un de veritable, ce n'est que par hazard: en forte qu'ayant examiné le tout fort foigneusement, ie ne voy pas qu'il y ait rien de particulier en leurs songes; ie veux dire que ie ne croy pas que le diable leur parle, ou ait aucun commerce avec eux par cette voye: quoy que quelques trompeurs, pour se donner du credit, [99] difent des merueilles de leurs songes, & se fassent prophetes apres que les choses font arriuées, publiant fauffement qu'ils en auoient eu la connoissance auant l'euene-ment. Plusieurs estimez des plus clair-voyans, m'auoient affeuré qu'ils deuoient venir iusqu'à vne vieilleffe tres-heureuse; & ie les ay veu mourir dés la mesme année: mais le mal est qu'apres leur mort ils ne pouuoient parler pour accuser leurs songes de fauffeté.